



Broj: 03/3-50-1-9-14/09
Sarajevo, 08.10.2009.

Z A P I S N I K

14. sjednice Zajedničke komisije za ekonomske reforme i razvoj, održane 08.10.2009. godine

Sjednica je počela u 12 sati.

Sjednicom je predsjedavao g. Zoran Koprivica, predsjedavajući Komisije.

Sjednici su prisustvovali: g. Bajazit Jašarević, g. Mehmed Suljkanović, g. Ivo Miro Jović, g. Adem Ibrahimpašić, g. Rifat Dolić, gđa. Azra Hadžiahmetović, članovi Komisije.

Sjednici je, ispred Agencije za statistiku BiH prisustvovala gđa. Slava Popović, zamjenik direktora, ispred Direkcije za ekonomsko planiranje BiH, g. Ljerka Marić, direktor i gđa. Alida Sofić, pomoćnik direktora. Sjednici su prisustvovali i gđica. Lada Mujkić, USAID – Projekat jačanja Parlamenta, g. Zoran Brkić iz Sektora za odnose sa javnošću, gđa. Aida Osmanović, Istraživački sektor, te g. Amer Bekrić, sekretar Zajedničke komisije za ekonomske reforme i razvoj.

Za sjednicu je predložen i jednoglasno usvojen sljedeći sljedeći

D N E V N I R E D

1. Usvajanje Zapisnika sa 13. sjednice Zajedničke komisije;
2. Pregled provedbe usvojenih zaključaka Zajedničke komisije;
3. Informacija o kretanju makroekonomskih pokazatelja januar/siječanj-april/travanj 2009. godine;
4. Prezentacija aktivnosti i najnovijih statistički pokazatelja Agencije za statistiku Bosne i Hercegovine
5. Pismo poziva za učešće u studijskoj posjeti Parlamentu Ujedinjenog kraljevstva Velike Britanije 25-31.10.2009. godine;
6. Učešće na parlamentarnom seminaru: Slobodna trgovina i regionalno unutrašnje tržište, Zagreb, R. Hrvatska, 26-27.10.2009. godine;
7. Tekuća pitanja

Ad.1.

Usvajanje Zapisnika 13. sjednice Zajedničke komisije za ekonomske reforme i razvoj

Zapisnik 13. sjednice Zajedničke komisije za ekonomske reforme i razvoj je jednoglasno usvojen.

Ad.2.

Pregled provedbe usvojenih zaključaka Zajedničke komisije

G. Zoran Koprivica je dao uvodne napomene o provedbi usvojenih zaključaka Zajedničke komisije. Posebno se osvrnuo na Prijedlog zakona o popisu stanovništva, domaćinstava i stanova u BiH 2011. godine. Obzirom da Predstavnički dom nije usvojio Mišljenje Zajedničke komisije za ekonomske reforme i razvoj, da je Prijedlog zakona vraćen radi dostavljanja novog mišljenja o principima zakona, a do danas ne postoje saznanja o eventualnim postignutim kompromisima i dogovorima, te da bi se dobilo na vremenu i da bi došli u poziciju da zakon razmatamo sa drugih osnova, isti nije uvršten u dnevni red današnje sjednice Komisije.

Nakon provedene rasprave u kojoj je učestvovao g. Ivo Miro Jović, jednoglasno su usvojeni sljedeći **ZAKLJUČCI**:

- **Direkcija za ekonomsko planiranje BiH će, početkom XII mjeseca, organizovati okrugli sto za članove Zajedničke komisije za ekonomske reforme i razvoj na kome će se predstaviti Strategija razvoja BiH i Strategija socijalne uključenosti.**
- **Potrebno je realizovati posjetu Agenciji za statistiku BiH.**
- **Poslati urgencije FIPA-i i IGA-i i podsjetiti ih na njihove obaveze.**

Ad.3.

Informacija o kretanju makroekonomskih pokazatelja januar/siječanj-april/travanj 2009. godine

Gđa. Ljerka Marić, detaljno prezentirala podatke iz Informacije o kretanju makroekonomskih pokazatelja januar/siječanj-april/travanj 2009. godine, uz napomenu da je ova Informacija sačinjena i za period januar/siječanj-august/kolovoz 2009. godine.

Nakon provedene rasprave u kojoj su učestvovali g. Ivo Miro Jović, g. Bajazit Jašarević i g. Adem Ibrahimpašić, jednoglasno su usvojeni sljedeći **ZAKLJUČCI**:

- **Informacija o kretanju makroekonomskih pokazatelja januar/siječanj-april/travanj 2009. godine, prima se k znanju.**
- **Zadužuje se Direkcija za ekonomsko planiranje BiH da Informacije o kretanju makroekonomskih pokazatelja dostavlja i Zajedničkoj komisiji za ekonomske reforme i razvoj, uporedo sa dostavom Vijeću ministara BiH.**

Ad.4.

Prezentacija aktivnosti i najnovijih statistički pokazatelja Agencije za statistiku Bosne i Hercegovine

Gđa. Slava Popović, detaljno prezentirala metodologiju rada Agencije za statistiku Bosne i Hercegovine, kao i najnovije statističke pokazatelje koji se odnose na vanjsku trgovinu, zaposlenost i nezaposlenost, neto i bruto plaće zaposlenih, indeks potrošačkih cijena, turizam, klanje stoke i peradi, javnu odvodnju i skupljanje i distribuciju vode.

Nakon provedene rasprave u kojoj su učestvovali g. Ivo Miro Jović, g. Bajazit Jašarević i g. Adem Ibrahimpašić, jednoglasno su usvojeni sljedeći **ZAKLJUČCI**:

- **Statistički pokazatelji Agencije za statistiku Bosne i Hercegovine se primaju k znanju.**
- **Zadužuje se sekretar Zajedničke komisije da ostvari saradnju sa Agencijom za sigurnost hrane i dogovori prezentaciju rada Agencije.**

Ad.5.

Pismo poziva za učešće u studijskoj posjeti Parlamentu Ujedinjenog kraljevstva Velike Britanije 25-31.10.2009. godine

G. Zoran Koprivica je dao uvodne napomene vezano za učešće u studijskoj posjeti Parlamentu Ujedinjenog kraljevstva Velike Britanije 25-31.10.2009. godine, u organizaciji DFID-a. **Obavjest o posjeti je primljena k znanju.**

Ad.6.

Učešće na parlamentarnom seminaru: Slobodna trgovina i regionalno unutrašnje tržište, Zagreb, R. Hrvatska, 26-27.10.2009. godine

G. Zoran Koprivica je dao uvodne napomene vezano za učešće na parlamentarnom seminaru: Slobodna trgovina i regionalno unutrašnje tržište, Zagreb, R. Hrvatska, 26-27.10.2009. godine.

Nakon provedene rasprave u kojoj su učestvovali g. Ivo Miro Jović i g. Adem Ibrahimpašić, jednoglasno su usvojeni sljedeći **ZAKLJUČCI**:

- **Parlamentarnom seminaru „Slobodna trgovina i regionalno unutrašnje tržište“, ispred Zajedničke komisije će prisustvovati g. Ivo Miro Jović, koji je ujedno izabran i za Šefa delegacije.**

Ad.7.

Tekuća pitanja

Pod ovom tačkom dnevnog reda razmatrano učešće na sastanku Regionalnog vijeća za saradnju o legislativi vezanoj za ekonomsku refomu, koji će se održati 22.10.2009. godine.

Nakon provedene rasprave, jednoglasno usvojen sljedeći **ZAKLJUČAK**:

- **Na sastanku Regionalnog vijeća za saradnju o legislativi vezanoj za ekonomsku refomu, ispred Zajedničke komisije će prisustvovati g. Bajazit Jašarević.**

Sjednica je završena u 13,30 sati.

Sekretar Komisije

Amer Bekrić

Predsjedavajući Komisije

Zoran Koprivica